

「國家社會科學基金重大項目」

何建明 主編

中國地方志
佛道教文獻匯纂

人物卷

(30)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（30）



國家圖書館出版社

吳縣志卷第七十七下

列傳

釋道下

吳縣

周

赤鬚子鄆人秦穆公主魚吏每言災異悉驗後往吳中不知所之抱樸子云以其鬚髮皆赤

故名

唐縣志一名赤鬚子往吳中無書可據神仙傳但言後往吳山靈與山陝西涇縣之

今增辨於此

漢

魏伯陽吳人好學不仕入山鍊丹相傳以爲得仙作參同契五行相類等書

江南通志

李崇郡人少好道林屋山人王瑋立授之以流珠丹法曰子行此道亦可以出身仕宦無妨
仙舉崇遂仕稍至宛陵令虎狼避去蝗不入境累遷汝南太守拔書佐袁安安後位至司徒時人服其識鑒身享重官妻自紡織明帝奇之加秩中二千石在郡十四年政化爲天

下最年七十四瑋玄授以隱解法去入大霍山又授遁化泥丸紫戶術以度世今在華陽洞中爲左理中監準太府長史云瑋玄楚莊王時人也

高真

蔡經後漢人居胥門中散大夫王靈方平既得道欲東入括蒼山過吳住經家以其骨相當仙語以要言經遂尸解去十餘年忽還家容色少壯語家人曰七月七日王君當來可多作飲食以供從官至日王君果來舉舍皆見引見經父母兄弟因遣人召麻姑頃之麻姑至乃好女子年可十八九坐定各進行廚皆金盤玉杯璧麟脯而食之麻姑云接待以來已見東海三爲桑田向到蓬萊水又淺於往日豈將復爲陵陸乎遠笑曰舉人皆言海中行復揚塵也麻姑欲見蔡經母及婦等時經弟婦新產數日姑見知之曰噫且止勿前卽以少許米擲之以祛其穢視其米皆成丹砂麻姑手爪似鳥經心中念曰昔大庭時得此爪以爬背當佳也遠已知之使人牽經鞭之但見鞭着經背亦莫見有人持鞭者經比舍有姓陳者聞經家有神人乃詣門求見遠曰君心不正未可教以仙道當以一符傳君可以禳災治病陳後以符治病有效壽百有十歲而死其後數十年經復還家今吳縣有蔡

仙鄉云

神仙傳卷
姑蘇志

負局先生者負磨鏡局循吳市中得一錢便輒問主人得無有疾苦否若有輒出紫丸藥以

與之服者卽愈

列仙傳

吳

道士琅邪于吉往來吳會立精舍燒香讀道書制作符水以治病吳會多事之孫策嘗於郡城門樓上集會諸將賓客吉乃盛服杖小函漆畫之名爲仙人鐔趨度門下諸將賓客三分之二下樓迎拜之掌賓者禁呵不能止

吳郡縣志卷傳注引江表傳

晉

沈羲吳郡人學道消災治病未嘗餌藥物也與妻賁共載路逢白鹿青龍白虎車各一乘從騎滿道問羲曰君是沈羲否羲愕曰是也騎人曰羲有功於民心不忘道少小以來履行無過今年壽將盡黃老遣仙官下迎侍郎薄延之乘鹿車者是度世君司馬生乘青龍車者是迎使者徐福乘白虎車者是卽有三仙人羽衣持節以白玉簡青玉冊丹玉字授羲羲不能識遂載羲昇天時道閒鋤田者皆共見之忽大霧不解失所在惟見羲所乘車牛入田食苗或以告羲家子弟恐羲爲邪鬼所魅布人於百里之內徧索不得後四百餘

年忽還鄉里推求得數世孫懷喜懷喜曰聞先人說家有仙今其歸耶留數十日具言初昇天時不得見帝但見老君東向坐宮殿鬱鬱如雲氣侍者數百人多女子庭中有珠玉樹棠芝叢生龍虎成羣游戲其間聞琅琅如銅鐵聲不知何等四壁熠熠有符書著之老君身形略一丈被髮文衣體有光耀須臾數玉女持金盤玉杯來賜義曰此是神丹飲者不死夫婦各一杯壽萬歲又賜棗二枚大如雞子脯五寸遺義曰暫還人間治民疾苦若欲上來書此符著竿杪吾當迎汝乃以一符及仙方一首賜義義奄忽如寤已在地世上世多得其符驗云

神仙傳

楊羲者吳人好學沈厚與許先生通許長史謠結神明交嘗爲公府舍人興寧三年義年三十六衆真降焉自東嶽上真司命君等二十三人又自太和靈嶺上真左夫人等女真十五人每句輒數人同降高談道微幽指藥妙楊及二許史受其詞捉筆爲書是歲六月十五日夜紫微王夫人與一神女俱來紫微謂義曰此太虛上真元君金臺李夫人之少女紫清上宮九華真妃者也賜姓安成名鬱嬪字虛籥真妃又謂義曰我昔學真於龜臺受玉章虎籙爲上真妃遊行玉清非不能訪授紫童友於帝郎也直推幾任會應度歷數欲

求氏族於明君非有邪也君夷質虛閑幽貞內煥必簡帝躬高佐四輔理生斷死互察陰陽妾當助君綜御萬神尊制東蕃君將乘龍駕雲白日昇天此自元德上挺太極所旌不復用勤學劬勞也今人居風塵間乃多罪之下鬼趣死之朽質君奚必汲汲於人間之貴賤投身榮辱之肆哉且方交兵日會三災向臻衰衣遠逸是其時也自後數日卽紫真一降所授詩章道要義及二許所筆受者甚多華陽陶宏景論次爲書號曰真誥真誥

聖姑邱邪王彪女也多道術嘗於石湖中著木屐而行人皆神之歟後立聖姑廟於湖濱祈禱多靈應迄唐刺史于頔莅蘇發其棺容色如生觸手化爲微塵嶺山志略

宋

陸修靜字元德郡人早通墳籍長慕神仙棲廬山白雲寺與慧遠法師結白蓮社宋文帝表高其風作停霞寶贊使徐湛宣旨留之不可太始三年作崇虛館通仙堂強招之使講道焉元徽五年偃月而化春秋七十二後三日廬山諸徒見霓旌紛然還山須臾而失未幾計至初修靜赴召常衣一布囊及逝遺命喪骸投所在嚴峯徒衆不忍奉之山中未至忽布囊挂巖樹謐簡寂先生詔以所屍爲簡寂觀姑蘇志

徐靈期吳人隱衡嶽上清宮遇神人授元丹之要含日暉之法守泥丸之道周遊海嶽采訪山洞巖壑作衡嶽記敘其靈異言紫蓋雲密二峯皆五千餘丈雲密有禹治水碑皆蝌蚪字碑下有石壇流水篆之最爲勝地紫蓋有鶴集其頂神芝靈草生焉有石室室有香爐杵臼丹甕祝融峯上有碧玉壇方五尺東有紫梨高三百尺乃夏禹所植實大如斗赤如日食之長生蒼梧王元微元年九月九日沖眞至宋徽宗朝賜號明眞洞微真人

姑蘇志

梁

張繹字士和郡人學道講經理致深密詞端華辨當時所宗梁武帝雅相欽賞時陶宏景著法檢論明釋老二教繹復討論甚有條理宏景嘉焉專心道法居貧守約善八體書別製

雲篆作茅山南洞碑甚工

姑蘇志

唐

周隱遙洞庭山道士自云角里先生之後山上有其祖角里村言其數世得道隱遙學太陰鍊形死於崖窟中屬弟子曰檢視我尸勿令他物所犯六年後再生當以衣裳衣我弟子視之初則臭穢蟲壞惟五藏不變依言閉護之至期往看身已全起坐弟子備湯沐以新

衣衣之髮髻而黑髭髯而直若獸鬣焉十六年又死如前更七年復生如此三度已四十餘年近八十歲狀貌如三十許人隋煬帝徵至東都尋懇還本郡唐貞觀中召至長安館於內殿問修習之道對曰臣所修者匹夫之事功不及物帝王一言之利萬國家福得道之效速於人臣區區所學非萬乘之所修也懇求還山尋遂其所適

乾陸府志引仙傳拾遺 偶府志云元和

中令鄧楚作周先生住山記云先生名隱字愚元號大元先生汝南人也貞元初游包山林屋洞於洞西得神泉數里得毛公壇遺址至十九年冬荆茅製居其年月事迹俱

與拾遺不同

周生太和中廬於洞庭山以道術濟人吳楚人多敬之途次廣陵舍佛寺中會有三四客偕來時方中秋夕蟾月澄且吟且望有說開元時明皇遊月宮故事因相與歎曰吾輩塵人固不得至其所矣周生笑曰某嘗學於師亦得焉且能望月致之懷袂因命虛一室翳四垣不使有纖隙又命以筯數百呼僮繩而架之且告客曰我將梯此取月去聞呼可來觀乃閉戶久之數客步中庭伺焉忽天地曠晦仰視又無纖雲俄聞生呼曰某至矣因開其室生曰月在某衣中請客觀焉舉其衣出月寸許忽一室盡明寒逼肌骨客再拜謝欲收其光又閉戶其外向昏晦食頃方如初

乾陸府志引宜室志

席謙梓州明肅館道士精於奕來遊吳治平僧海雲酷嗜奕聞謙名掃榻迎之與之較謙殊不經意海雲思索甚苦竟日不能勝一局後海雲病謙辭歸蜀杜子美有詩云席謙不見近彈春

橫山志略

宋

陳昉吳江人慶歷間爲縣吏掌刑名以廉謹惠愛稱無妻子惟蓄一婢性嗜魚每食必以二魚爲餉一日餉至而昉適他出同舍吏戲竊其一置舍席上昉歸以爲婢所匿也怒責之時向暑舍席生蛆墜几上昉視之乃魚腐也始悟婢冤歎曰此小事尙然况吾爲吏決大事能無冤耶遂辭役作詩別親友從縣前運河洞中而去洞甚深相傳通太湖之底上聞浪聲行七十里可出洞庭山後數年有道人沽飲肆中將別留一壺爲贈曰以此償酒價貯酒當佳旣去忽見酒旗上題云昔年陳昉登仙處酒味松陵第一家主人驚異取壺貯酒則香美異常自是沽者羣集家遂致富始知昉已仙矣因名其洞曰仙人洞洞上有橋曰仙里橋云

文松陵

道人張無夢在真宗朝以處士見除校書郎無夢善攝生梅昌言知蘇州無夢求見之先與

蘭云壺中一粒長生藥待與蘇州太守分

謝啟中詩話

陳希微字彥真吳人先名伯雄元祐中得疾因往茅山劉靜一求符水治之一日下山求米於近村中途覺眩冒不能前據石大嘔自此疾瘡遂棄家爲道士改名希微築室柳汧泉上徽宗聞其名屢詔不起乃以所居爲抱元觀而錫以洞微法師之號宣和中無疾而終

乾道府志引
句曲山記

袁宗善平江道士曾遇異人得驗狀法遺際三殿賜號通真先生壽皇一日使中貴持白紙三幅默禱在內令通真書來中貴先排定資次第一紙書不可行第二紙書無分第三紙書真真二字奏呈壽皇隔數月皆驗不可行要請陵寢北報不從無分乃小劉娘子要爲后半年而殂真真二字乃授禪光宗後光宗有心疾壽皇宣通真叩問二字奏云臣書先定二真合成一字卽顯字壽皇大喜賜賚其厚

真耳集

王大猷者本胸山人乾道間仕爲忠翊省幹來居吳中街路忽夢神欲授以養生之道自是虔志事神月朔朝禮飯道設齋至淳熙中以四月十四日爲呂純陽誕辰齋百道士齋散有道士至齋面跣足弊褐巾巾幅體瘡痕而略無氣穢屢言來後時幸毋卻人咸忘容獨

大猷加禮待道人謂曰吾能治內亦善治外大猷問高隱何地道人曰得隱便隱初無定
隱問其姓名俯而不舍徐曰省幹當兼善天下豈宜獨善其身大猷會以天下人安吾道
始安道人笑曰此子可教遽別去期年忽再至稽首跌坐大猷叩之不語頃之曰昔省幹
有富貴而安者有藥石而安者君意何如大猷曰吾志不在富貴道人曰予有異方藏之
肺腑久矣浪遊江湖未有可託今觀故有道風不容自秘令屏左右治潔室密授其方戒
曰藥就即可施之所治者一切風疾者不宜遊量立價以傳非特養生兼以濟物執此心
不遷他日姓名可達上帝而子孫寶之亦有利焉若圖轉授非神明所許語既有孤鶴自
天而降道人撫之笑別大猷逡乘飛去異香滿室復有羣鶴環繞大猷與衆咸驚絕知其
爲仙遂制其藥博施於人迄今其家尙不遷藥亦不絕所謂王省幹宅遇仙丹也郭麟孫
于文傳俞焯諸公咸有題志

姑蘇志

李懷仁丹霞觀道士善畫龍嘗於毗陵天壽觀畫壁自題丹霞觀羽士醉筆

廣山志

丁真一橫山福濟觀道士善製墨號玄中子

上同

侯顯軒蜀人宋末隨父來吳宋亡弗歸時有天乙法師倡教於吳山施水院顯軒從而遊焉

明

一時名士樂與往還虛學士集來省臺顧軒抱璣氏兵陽使君遺書與見虛因贈詩曰
成都高士吳山客曾是相從大父時每抱遺書嗟往事復貽妙句樂新知
靜隔雲中願不疑但得閒身各安健白頭歸共橋中棋

戴文軒吳人素嫻道術嘗隱荒峰山陽建一神樓前垣竹扉聊以自適凡道流會集靡不招
致一日有二藍袍詣訪文詳延之登樓出山家常具飲食之酒罄一人曰吾有詩文詳速
出紙筆書云雲英英兮出山阜倏爲白衣忽蒼狗月皎皎兮照清澄波光亂擊金蛇走浮
雲飛盡忽無蹤明月西沈還自有雲來月去本無期我與乾坤長共久誓訖又一人曰吾
亦有詩以紀此樓之勝書云姑蘇勝景清且幽耀靈城秀世莫侔比屋繼接民居稠中有
縹緲之層樓珠簾高控珊瑚鉤芙蓉朵朵侵人眸樓中老翁復何求酩酊髮雲錦裘樓
前幾石成林邱左圖右史日校讎一塵不到風颼颼蓬萊三山聊與儔四時行焉春復秋
金風颼颼暑氣收海變桑田是盡頭海屋今添第一籌南極耿耿宮空浮華筵羅列珍美
羞望中佳客總貴游瓊瑤環珞琳球葡萄酒泛黃金甌賓主相洽相勸酒清歌暢飲樂

吳

縣

志

卷

七

下

列傳釋道一

六

未休仙翁福慶殊悠悠書訖擲筆於地遂行文祥疾竟之有耕父見二道前去一人吹簫

笛一人撫掌而和忽不見

按金志引西樵野記

李審字

蜀府志作仙翁

士明清慎好學有黃老師者自蜀之青城山來道氣崑崙一堂盡傾君遇之

殊謹數月告去君以爲學之要叩之黃歎曰子誠志於道耶因出一瓢曰是從我幾百年

行地萬餘里今以遺汝勉之君敬愛焉瓢形類鶴遂以鶴名之并題其室曰鶴瓢山房

王行

房記容崑山人幼穎悟有出塵之想父母以其不宜於俗捐愛出家於郡之靈真觀習

元學凡三皇內女九鼎丹法延齡衛生之術罔不該博從莊子正遊黃帝岐伯之書先賢

治證之論悉造其奧又遇樵人李清隱教以黃太師飛騰鍼法由是以醫名洪武初召入

見辭歸仍賣藥市中

參諸山志

黃道淵號孤山錢塘人嘗遇郢人衛溪邱授以修真要法及醫藥方技南游武夷師事金華

潘雷鑑挾其術北上後歸憩吳下郡人嚴德昭抱疾醫不能療建壇以祀元帝名曰清真

朝夕懇禱道淵適至憐其精誠投以藥遂瘳於是道淵留主壇宇嗣天師爲奏賜觀額今

其徒猶傳其藥

姑蘇志

楊茂林字洪然有道行不用符檄書片紙能役神鬼永樂五年文皇后崩大集黃冠修醮事資冥福茂林以白衣見上異之命以官不受賜法衣俾遊四方會吳江大旱署縣事王懋本延之禱雨雨隨澍因留之崇真道院構方丈以居在院屢著靈異一日忽蛻裘履而逝蓋百餘歲云後有自洞庭還者遇茂林授以二履令攜歸人始知其仙去

松陵文獻

藥葫蘆道人不知何許人賣藥吳市人有求則就葫蘆中傾出飲之病無弗瘳者或傾而不出則曰爾無緣不可救也永樂甲辰上在漠北不豫侍醫咸自危御醫盛寅奏言臣蘇州有藥葫蘆可治也上命寅乘傳南下取之未至而有榆木川之變道人後亦莫知所之

陸乾

府志引陸乾校記

吳允中成化中吳郡朝真宮道士善符咒驅蝗治妖隨禱輒應郡守命於圓妙觀禱雨允中噴墨灌則雲合以楊柳灑水則雨至以胡桃擲空中雷電隨所向而作頃間積水三尺時官吏皆立雨中允中大呼雷神有濫賊者請擊之雷火繞庭官吏有失措仆地者吳中在曹太初不知何許人常寓止諸觀中侈口炫顯深目狀胡人髯將苴布而嗜醢酒日就市口啗膾魚雁滿不輟口而時時瞋目語有所召呼或若有所對接者人或謂顯過早祈者聞

陽閉陰懷礫百方不應乃笑謂之曰待我求衆因謁焉與期且當來迨明雨遂大澍連日夜不止人往窺之則方大酺及醒而笑曰雨足乎由是祈者遂衆其告人之言多託之筮拯危殆解紛亂急人之急或有物祟則至其所默坐叱咤之若有所攷核者既獲利賴愈益嚮之乃語弟子曰吾不敢私其力爲人者然以此幾落吾事吾奉召命不可俟矣吾少讀內景經有悟遇仙授以至真要道爾輩精一其心齋潔奉戒爲之不懈上真簡爾當有簡命不然無益也遂逝

尹蓬頭者莫知所自來負杖而游爾然有塵外姿其毛髮槁而容若處子舉止甚輕壯者不逮人見之無不慕焉爭向請終無所言或飲食之亦多不顧或爲少嚼之則深自喜其去來不恆不知其所休舍每行途中人輒隨之問其年云紹興至是蓋三百十有餘歲矣知府林世遠聞而召之問其師授但云吾宋人也無所學偶游行於此無預人已竟去人又有見之天台中者

以上劉
吳賢傳

徐石林常熟人數歲出家蘇城伍子胥廟爲道士年二十至京師遊藍道行之門道行誅入龍虎山張真人府居二十餘年遇異人授鍊月華法能預言人禍福休咎以萬曆甲申歸

清

吳仍居子胥廟十八年吳中大旱郡守備禮往迎辭不見守曰地坼苗枯三日不雨民立槁矣奈何坐視乎石林歎曰三吳福恐爲貧道禍乃給壇於玄妙觀用鼓數十架置壇四旁瓦百片置壇上太守行香畢石林上壇焚符三通亦插鼓三通俄頃四邊雲起雷聲殷然石林大呼曰插鼓數十架鼓一時齊發石林就壇取片瓦擲空中每擲一瓦輒得一雷鼓聲與雷聲碎瓦聲爭奮自辰至酉而雨終不得是夜露立至天明拜伏壇上須臾霹靂四起大雨如注從辰至申可三尺許石林尙伏壇上不少動雨止方起舉步下壇失足墜遂死壇下太守出俸金買棺斂之停其柩於玄妙觀合郡紳衿士庶拜奠者三日

前府志

施道淵字亮生別號鐵竹道人吳縣橫塘鄉童真出家爲朝真觀道士遇異人張信符授以丹訣年十九從龍虎山徐演真受五雷法能驅役百神時爲人除祟魅療疾苦不以取利初築室堯峯晨夕修鍊移住穹窿山卽茅君故宮鳩材修葺殿堂齋寮以次鼎新順治戊戌五十三代真人張洪任請於朝賜額上真觀并賜道淵養元抱一宣教演化法師由是四方徵請凡建名勝一百七十餘所塑像八千一百二十有奇郡中玄妙觀殿宇傾圯